

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თბილისი

2022 წელი

ერთის მხრივ ივანე ჯავახიშვილის სახელობის თბილისის სახელმწიფო უნივერსიტეტი (შემდგომში „შემსყიდველი“) წარმოდგენილი ადმინისტრაციის ხელმძღვანელის ლაშა სალინაძის სახით და მეორეს მხრივ, – _____ (შემდგომში „მიმწოდებელი“) წარმოდგენილი მისი დირექტორის _____ სახით, სახელმწიფო შესყიდვების კანონის და პრეტენდენტის (მისი დასახელება) სატენდერო წინადადების საფუძველზე, ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „საათი“, „დღე“, „კვირა“, „თვე“ – საათი, კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.
- 1.6. „შესყიდვის ობიექტის აღწერილობა“ – მიმწოდებლის მიერ სატენდერო წინადადებით განსაზღვრული აღწერილობა დანართი №1-ის მიხედვით, რომელიც წარმოადგენს ხელშეკრულების განუყოფელ ნაწილს.

2. სტანდარტები

2.1 წიგნის ბეჭდვის და მასთან დაკავშირებული მომსახურებები, მისი დიზაინი და ხარისხი უნდა აკმაყოფილებდეს შემსყიდველის მოთხოვნებს, მომსახურება შესრულებული უნდა იყოს მაღალ პოლიგრაფიულ დონეზე;

3. ხელშეკრულების საგანი

- 3.1 სსიპ ივანე ჯავახიშვილის სახელობის თბილისის სახელმწიფო უნივერსიტეტის მიერ, შოთა რუსთაველის სახელობის საქართველოს ეროვნული სამეცნიერო ფონდის გრანტის #FR-18-013 (ხელმძღვ. ლაშა ასანიძე) დაფინანსების ფარგლებში, წიგნის ბეჭდვასთან დაკავშირებული მომსახურებების შესყიდვა (CPV 79820000).
- 3.2 შესყიდვის აღწერილობა და მოცულობა მოცემულია დანართი №1-ის სახით.
- 3.3 მიმწოდებელმა უნდა უზრუნველყოს დასაბეჭდი მონოგრაფიის დაკაზმადონება და დიზაინი
- 3.4 საცდელი ნიმუში წინასწარ შეთანხმებული უნდა იქნას შემსყიდველთან.

4. ხელშეკრულების ღირებულება

- 4.1 ხელშეკრულების ჯამური ღირებულება შეადგენს _____ ლარს.
- 4.2 ხელშეკრულების ჯამური ღირებულება მოიცავს ხელშეკრულებით გათვალისწინებული მომსახურების მოწოდებასთან დაკავშირებულ მიმწოდებლის ყველა ხარჯს, საქართველოს კანონმდებლობით გათვალისწინებულ გადასახადებს.

5. შესყიდვის ობიექტის მიწოდების ვადა, ადგილი და პირობები

5.1 ბეჭდვა განხორციელდება შოთა რუსთაველის სახელობის საქართველოს ეროვნული სამეცნიერო ფონდის გრანტის #FR-18-013 მიერ მიწოდებული მასალების საფუძველზე; მასალების სრულად მიწოდება განხორციელდება ხელშეკრულების გაფორმებიდან არაუგვიანეს 5 სამუშაო დღეში Word ფორმატის სახით.

5.2 შემსყიდველი ვალდებულია მიმწოდებლის მიერ წარდგენილი მასალა შეათანხმოს არაუმეტეს 10 სამუშაო დღის ვადაში ან დაუყოვნებლივ დაუბრუნოს მიმწოდებელს შენიშვნებით.

5.3 შესყიდვის ობიექტის მიწოდება უნდა განხორციელდეს სრულად, ხელშეკრულების გაფორმებიდან არაუგვიანეს 30 კალენდარული დღისა.

5.3 მიმწოდებელი შესყიდვის ობიექტის მიწოდებას განახორციელებს შემდეგ მისამართზე: ქ.თბილისი; ჭავჭავაძის გამზ.#1

6. ხელშეკრულების შესრულების კონტროლი და საგარანტიო ვადასთან დაკავშირებული მოთხოვნები

6.1 ხელშეკრულების კონტროლს ახორციელებს სსიპ ივ. ჯავახიშვილის სახელობის თბილისის სახელმწიფო უნივერსიტეტის საგრანტო პროექტის ხელმძღვანელი.

6.2 „მიმწოდებელი“ ვალდებულია განახორციელოს უფლებრივად და ნივთობრივად უნაკლო შესყიდვის ობიექტის მიწოდება მოქმედი ყველა საჭირო ნორმების, სტანდარტების, წესებისა და მოთხოვნების დაცვით.

6.3. მიმწოდებელი ვალდებულია უზრუნველყოს საქონლის ისეთი შეფუთვა, რომელიც დაიცავს მას დაზიანების ან გაფუჭებისაგან დანიშნულების ადგილამდე ტრანსპორტირების პროცესში.

6.4 შემსყიდველი ვალდებულია ოპერატიულად, წერილობითი სახით, აცნობოს მიმწოდებელს საბოლოო შემოწმების შედეგი დაწუნებული მომსახურების ნაწილის და წუნდების მიზეზის მითითებით. შემსყიდველს უფლება აქვს მოსთხოვოს მიმწოდებელს გამოვლენილი ხარვეზის გამოსწორება დამატებითი ანაზღაურების გარეშე, მიმწოდებელი ვალდებულია საკუთარი ხარჯებით (სატრანსპორტო საშუალებების ჩათვლით) უზრუნველყოს აღნიშნული ხარვეზის აღმოფხვრა, განახორციელოს წუნდებული საქონლის ახლით შეცვლა შემსყიდველის მიმართვიდან არაუგვიანეს 5 (ხუთი) სამუშაო დღის ვადაში.

7. შესყიდვის ობიექტის მიღება-ჩაბარების წესი

7.1 შესყიდვის ობიექტის მიღება-ჩაბარება იწარმოებს დანართებში №1-ში მოცემული პირობების თანახმად, მიმწოდებლის მიერ წარმოდგენილი შესაბამისი სასაქონლო ზედნადებისა და საგრანტო პროექტის ხელმძღვანელის მიერ შედგენილი დადებითი დასკვნის საფუძველზე, მხარეთა შორის გაფორმებული მიღება-ჩაბარების აქტით.

7.2 შემსყიდველის მხრიდან საქონლის მიღებასა და მიღება-ჩაბარების აქტის ხელმოწერაზე თსუ ადმინისტრაციის ხელმძღვანელის 2020 წლის 06 მარტის N52/02/01 ბრძანების საფუძველზე, უფლებამოსილი პირია: თსუ მატერიალური რესურსების მართვის დეპარტამენტის ხელმძღვანელი გ. ტალახაძე.

8. ანგარიშსწორების ფორმა, ვადები და პირობები

8.1. „მიმწოდებელთან“ ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში წინასწარი 100%-იანი ავანსის სახით, ხელშეკრულების იდენტური ოდენობის თანხაზე წარმოდგენილი საბანკო გარანტიის საფუძველზე, გარანტიის წარმოდგენიდან არაუგვიანეს 5 (ხუთი) სამუშაო დღის ვადაში. საავანსო გადახდაზე საბანკო გარანტია წარმოდგენილი უნდა იქნას შემსყიდველის მოთხოვნიდან 5 (ხუთი) სამუშაო დღის განმავლობაში.

8.2 „მიმწოდებელი“ ვალდებულია წარმოადგინოს საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ საქართველოს დაზღვევის სახელმწიფო ზედამხედველობის სამსახურის" მიერ ლიცენზირებული სადაზღვევო კომპანიიდან გაცემული უპირობო და გამოუთხოვადი საბანკო გარანტია საავანსო თანხაზე, რომლის მოქმედების ვადა 1 (ერთი) თვით უნდა აღემატებოდეს ხელშეკრულების მოქმედების ვადას.

8.3 გარანტია წარმოდგენილი უნდა იქნას ეროვნულ ვალუტაში - ლარში, ქართულ ენაზე.

8.4 მიმწოდებელს საბანკო გარანტია დაუბრუნდება ხელშეკრულებით ნაკისრი ვალდებულებების სრულად შესრულების შემდეგ, მიღება-ჩაბარების აქტის, ინსპექტირების დადებითი დასკვნისა და შესაბამისი ანგარიშგაქტურის საფუძველზე, დოკუმენტაციის სრულყოფილად წარმოდგენიდან 5 (ხუთი) სამუშაო დღის ვადაში.

8.5 სატენდერო წინადადების ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით;

9. პირგასამტეხლო ხელშეკრულების პირობების შეუსრულებლობისათვის

9.1 ნაბეჭდი მონოგრაფიის ხარვეზითა და დადგენილ ვადაში წარმოუდგენლობის შემთხვევაში (გარდა გაუთვალისწინებელი გარემოებებისა) შემსყიდველი წყვეტს ხელშეკრულებას, მიმწოდებლის მიერ ხელშეკრულებით ნაკისრი ვალდებულებების შეუსრულებლობის გამო და თანხა არ აუნაზღაურდება.

9.2 თუ შემსყიდველი დარწმუნდება, რომ შეუძლებელია შესასრულებელი სამუშაოების მოცულობის დასრულება ხელშეკრულებით განსაზღვრული ვადების ამოწურვამდე, იგი უფლებამოსილია ცალმხრივად,

ვადაზე ადრე შეწყვიტოს ხელშეკრულება და მიმწოდებელი დააჯარიმოს ხელშეკრულების ღირებულების 10%-ის ოდენობით.

9.3 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისგან.

10. ხელშეკრულებაში ცვლილების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

10.4. ხელშეკრულების ერთ-ერთი მხარის მიერ პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.5 ხელშეკრულების ერთ-ერთი მხარე 10.4 პუნქტით გათვალისწინებული გადაწყვეტილების მიღების შემთხვევაში ვალდებულია არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს აღნიშნულის შესახებ.

11. დაუძლეველი ძალა

11.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

11.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

11.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

12. ხელშეკრულების მოქმედების ვადა და დასკვნითი დებულებები

12.1 ხელშეკრულება და მასთან დაკავშირებული ყველა მიმოწერა სრულდება ქართულ ენაზე.

12.2 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ წერილობითი ფორმით და ორმხრივი ელექტრონული ხელმოწერით დადასტურების შემდეგ.

12.3 ხელშეკრულება ძალაში შედის მხარეების მიერ ელექტრონულად ხელმოწერისთანავე და მოქმედებს 2022 წლის 31 მარტის ჩათვლით.

12.4 ხელშეკრულება დამოწმებულია ელექტრონული ხელმოწერით /კვალიფიციური ელექტრონული შტამპით.

შემსყიდველი

მიმწოდებელი